



ԱՅՑՅԵԼՈՒԹՅՈՒՆ ԵՐԵՎԱՆԻ ՔԱՂԱՔԱԳԼՈՒՄ Գ. ՀԱՍՐԱԹՅԱՆԻՆ

Ապրիլի 2-ին՝ կիրակի օրը, ժամը 2-ին, Ահաբախ Հայրապետը պաշտոնական այցելություն տվեց Երևանում՝ քաղաքային խորհրդի նախագահ, պ. Գ. Հասարթյանին և խորհրդի անդամներին:

Վեհափառ Հայրապետին ողջեցում էին տ. Հայկազուն և տ. Վահան սրբազանները, պ. Կյուրեղ և տ. Ներսես վարդապետները, «Էջմիածին» ամսագրի խմբագիրը, Մայր Աթոռի դիվանապետը և Արարատյան թեմի թեմական խորհրդի անդամները:

Ընդունելությանը ներկա էին նաև Երևանի քաղաքային խորհրդի նախագահի տեղակալներ Ն. Միրզոյանը, Հ. Ավետիսյանը, քաղաքային խորհրդի քարտուղար Հ. Բաղդասյանը, պլանային հանձնաժողովի նախագահ Գ. Փանոսյանը:

Որպես հյուր՝ ընդունելությանը ներկա էին նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դավաթյանը և տեղակալ Ս. Հովհաննիսյանը:

Վեհափառ Հայրապետը առաջինը ողջունելով պ. քաղաքապետին, ասաց.

«Մեծահարգ պարոն քաղաքապետ, մեծ ուրախություն է Մեզ համար սույն հարկի տակ երկրորդ անգամ ողջունել Ձեզ և Ձեր գործակիցներին:

Երկու-երեք տարում, երբ մի անգամ պաշտոնական այցով գալիս եմք ս. Սարգիս եկեղեցի, ցանկանում եմք Մեր ողջունելու օրհնությունը բերել նաև Ձեզ: Մենք էլ ուրախանում եմք մեր մայրաքաղաքում, որի գլուխը Դուք եք: Մեր ողջույնի խոսքը բավական է, որ նախ Ձեզ ուղղվի և Ձեր միջո-

ցով քաղաքային խորհրդի պատվածան անդամներին, Ձեր գործակիցներին, ճարտարապետներին, շինարարներին, բանվորներին, որոնց միացյալ հարատև ու կազմակերպված աշխատանքի շնորհիվ օր առավոտ գեղեցկանում է Երևանը, Ձեր շինարար գործունեությամբ, գիտությամբ և ճաշակով: Ազգային սնապարծություն չէ, երբ հաստատենք, մեր Երևանը իրոք որ աշխարհի սիրուն քաղաքներից մեկն է:

Շնորհավորում եմք Ձեզ՝ ձեռք բերված կառուցողական փայլուն արդյունքների համար, հայտնում՝ Մեր շնորհակալությունն ու երախտագիտությունը և ցանկանում եմք Ձեզ և Ձեր գործակիցներին նորանոր նվաճումներ, Ձեր հայրենաշեն աշխատանքի ճանապարհին»:

Մեծահարգ պ. Գ. Հասարթյանը Հայոց Հայրապետին պատասխանելով ասաց.

«Նա և իմ գործակիցները շատ ուրախ եմք կրկին անգամ Ձեզ ողջունելու համար այստեղ և շնորհակալություն հայտնելու Ձեր այցելության համար: Մենք էլ երախտապարտ եմք Ձեզ, Վեհափառ, հայկական հուշարձանների պահպանման բնագավառում Ձեր կատարած կարևոր աշխատանքների համար, օրինակ, Էջմիածնում, ուր այցելում են նաև մեր հյուրերն ու բարեկամները՝ խոր տպավորություն ստանալով: Այդ մեզ ուրախացնում է:

Մեր ժողովուրդը հետաքրքիր ժողովուրդ է: Կառուցում է միշտ, երբ խաղաղ է, չի կարողանում հանգիստ նստել: Մենք ողջունում եմք Ձեզ նաև որպես խաղաղության գործի պաշտպանի, որի մասին մենք քաջ տեղյակ

ենք: Խաղաղության համար մղված պայքարում Ձեր աշխատանքը արժանի է մեր գնահատանքին: Ցանկանում ենք Ձեզ հաջողությամբ Ձեր բազմակողմանի գործունեությանը»:

Այնուհետև տեղի է ունենում ջերմ դրույց, որի ընթացքում պ. Գ. Հասրաթյանը խոսում է քաղաքապետության առաջ դրված շինարարական, բարեկարգման այն ծրագրերի և աշխատանքների մասին, որոնք պետք է կատարվեն այս և հաջորդ տարիներին:

Ըստ պ. Գ. Հասրաթյանի վկայության, մայրաքաղաքում շինարարական ծավալուն աշխատանքներ են կատարվում Հոկտեմբերյան հեղափոխության 50-ամյակի առիթով:

Այս տարի կավարտվի նաև Ապիրյան եղենի հուշարձանի կառուցումը, կանաչապատումը, որը մայրաքաղաքի մոտում են տակառույցների մեջ իր յուրահատուկ տեղն է գրավելու:

Շուտով կսկսվի շինարարությունը Կոմիտասի անվան դասական երաժշտանոց-տան, ճարտարապետ Ս. Քյուրբջյանի նախագծով, ուր հայ դասական ճարտարապետության մոտիվները և ժամանակակից ճարտարապետական ոճը միմյանց կլրացնեն, չափազանց

հետաքրքիր, ճարտարապետական նոր մտքի հղացման ու թռիչքի մեջ:

1968 թվականի հոկտեմբերի առաջին կեսերին, կնշվի Երևանի հիմնադրման 2750-ամյակը:

Վեհափառ Հայրապետը գրույցի վերջում իր խորունկ շնորհակալությունն է հայտնում և հրաժեշտ է առնում լավագույն տպավորություններով:

Այս առթիվ պ. քաղաքապետը Վեհափառ Հայրապետին նվիրում է Երևանում նոր կառուցվելիք Կոմիտասի անվան դասական երաժշտանոց-տան մակերտը:

Ժամը 4-ին, Երևանի հայրապետական վիլլայում, թեմական խորհուրդը ի պատիվ Վեհափառ Հայրապետի ընդունելություն է կազմակերպում:

Որպես հյուր ընդունելությանը ներկա են լինում նաև Երևանի քաղաքապետի Գ. Հասրաթյանը և ՀՄՄՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաբջյանը և տեղակալ Ս. Հովհաննիսյանը:

Ընդունելությունը անցնում է ջերմ, հայկական մթնոլորտում:

